

# ТІЛЬГУН

*Эжва йывса  
том гижысьяслөн  
кывбуръяс  
да висътъяс*





# ТІЛЬГУН

Эжва йывса том гижысьяслӧн  
кывбуръяс да висътьяс



Усть-Кулом  
2007 во

*Чукöртис да лöсьöдис*  
*В.Г. Лодыгин*

**“Тільгун”**: кывбуръяс, висътъяс. Чукöртис да лöсьöдис В.Г.Лодыгин. - Мураши: “Кировса областной типография” ОАО-лөн Мурашиса филиал, 2007. 52 л.б.+вкл.

Кулöмдин район - енбиа йöзлөн му. На лыдын и гижысьяс. Тырмымөн шуны нимъяссö Тима Веньлысь (В.Т.Чисталёвлысь), Пётр да Борис Шаховъяслысь, Виктор Напалковлысь. Öтарö локтöны литератураö томъяс, сы вöсна мый накöд “Парма гор” газетлөн редакция бердын нуöдö быдлунъя удж “Эжва” литературной котыр.

Тайö öтувъя книгаыс артмис буретш томъяслөн гижöдъясысь. Кылöны сöмын на ичöтик тільгун моз, но öд кылöны.

Книгасö отсалісны лэдзны культуралөн министерство да печать да массöвöй коммуникацияс кузя Коми Республикаса агенство.

- © Лодыгин В.Г., составление, редактирование, 2007  
© Мурашинский филиал ОАО “Кировская областная типография”, 2007

# Олём енбиён ловья

2007 вося апрель 4 лунö Кулёмдинö чукöртчылісны том гижысьяс. Велöдчыны, тöдмасьны творчество кузя ыджыдджык ёртъяслөн опытөн, петкөдчывны лыддысьсысьяс водзын. Велöдчыны гижан уджö, медым артмисны йöзлы сёлём вылö воана кывбуръяс да висьтъяс. Шулöны, мый гижны сяммöмыд - Енмөн сетöмтор, но тайö абу дзик тадз, велöдчыны зэв на ещö и колö, нинöм ачыс оз артмы.

Тайöс вермасны висьтавны асьныс семинар вылö локтысьяс, кодъяскöд мектаяс вылын мыйтакö да уджалöны медсясö велöдысьяс, кодсюрö асьныс гижысьяс: Помöсдінын Александр Васильевич Шебырев, Пожöгын Владимир Игоревич Шомысов да Елена Александровна Игнатова, Мысын Людмила Леонидовна Паршукова, Улыс Вочын Валентина Александровна Ширяева, Скөрöдумын Анна Ивановна Липина, Немдінын Нина Михайловна Гуляева да с.в. Буретш налөн отсөгөн бөръя кадö быдмисны да вель нин мича кывбуръяс-висьтъяс лосьöдöны Помöсдінысь Артур Уляшев да Мария Шомысова, Пожöгысь

Алёна Ладанова да Татьяна Бугримова, Яна Васильченкова да Екатерина Битнер. Збыльтор и сійö, мый том гижысьяслы вермана отсөг сетö “Парма гор” газетлөн редакция, код бердын лöсьöдöма районса гижысьяслысь котыр. Буретш районса газетын петö “Эжва” литературной листбок, көнi йöзöдсьöны кывбуръяс, серпасъяс да висътъяс. Буретш редакция öтувтö литературной вынъяс да сетö позянлун сöвмыны творческой туй вылын, быдмыны профессиональной гижысьöдз. Газеткөд ёртасьöмөн бөръя кадö татшöмъясөн лоисны Вячеслав Бабин, Эдуард Тимушев (неважөн кувсис), Алёна Ельцова. Кутам лача, мый Россияса гижысьяслөн котырын жö лоасны Александр Шебырев, Алёна Мальцева.

Газеткөд ёртасьысьяс асьнысö аддзöны и журналистикаын. Газетъясын, радиоын да телевидениеын уджалöны миян вöвлöм авторъяс Анастасия Шомысова, Иван Шахов, Любовь Жангурова, мукöд. Асьыныс кыв шуöмөн редакция отсалö пырны велöдчыны гимназиясö, Сыктывкарса университетö да с.в.

Ми, редакцияын уджалысь поэтъяс, век зэв окотапырысь аддзысьлам том гижысьяскөд школаясын, висъталам, кызди олö-вылö коми литература, мый вылын уджалöны гижысьяс, лыддям кывбуръяс, тöдмасям места вылын том гижысьяслөн тöждъясөн да, мыйöн вермам, век отсалам.

Тайö уджсьыс ог öтдортчöй и водзö. Ыджыд аттьö школаясөн веськöдлысь-яслы, коми кыв да литература велöдысьяслы, мый мунöны воча да сетöны позянлун котыртлыны татшöм аддзысь-лöмъяссö.

Аттьö республикаса гижысьяс котыр-лөн правлениелы, мый пыр на отсавлис миян районын том гижысьяслысь семинаръяс нуöдöмөн, ыстывлис Кулöмдинöдз ыджыд опыта авторъясöс. Татшöмъясөн вöлины Серафим Попов, Иван Торопов, Нина Куратова, Владимир Попов, Егор Рочев, Юрий Васютов, Елена Козлова, Владимир Тимин да с.в.

Бöръя воясö тöдчö отсасьöмыс культура да национальной политика кузя министерстволөн. 2006 воын сыөн торйöдöм сьöм вылö нуöдiм “Лöсас” конкурс, а 2007-ын - семинар. Сы отсöгөн лэдзам выль том гижысьяслысь - семинар вылö волысь-яслысь - тайö гижöд чукöрсö.

Чайтам, мый миянлысь вöзйöм пыдди пуктасны районса депутатъяс. Кöсьям шыöдчыны на дорö, медым районса бюджетысь торйöдасны сьöм Тима Вень нима литературной премия вылö. Тайö премиянас колö пасйыны дзик став авторъяс (оз сöмын томъяс) пöвстысь медбурсö. На лыдын оз лоны профессиональной гижысьяс - Россияса гижысьяслөн котырö пырысьяс.

Öти кывйöн кö, районын колö вöчны став позянсö, мед Эжва йыв и водзö нималис аслас талантъясөн, сöстöм ёльöн содтiс коми

литературалысь юсö. Аския лун тöдвылö босьтöмөн, буретш миян район вылö кутö медся ыджыд лачасö республикаса гижысь котырлөн правление да кöсьысьö вöчны став верманасö, медым отсавны кызди гижны босьтчысьяслы, сідзи и бура нин гижысьяслы. Районлөн да республикалөн öтувъя тöждлунөн и артмас водзö мунöм да сöвмöм, лыддысьысь дорö выль гижöдъясөн да книгаясөн петöм.

Казытылöм семинарыс муніс мыйтакö да коставлöм бöрын. Водзö кежлö пуктам мог, мед сійö вöлі быд во, кызди и республикаын нуодан гожся университет. Кызди быдлунъя югыдөн да шоныдөн быдмö му вылын став быдманыс, сідзи и быдлунъя тöждөн быдмасы асланыс гижöдъясөн томъяс. Бур туй!

**Василий ЛОДЫГИН,**  
Кулöмдін районса гижысьяслөн  
котырөн веськöдлысь.



# ТАТЬЯНА БУГРИМОВА

Велөдчө Пожөг шөр школаса 8 классын. Медсясө гижө серпасьяс, дженъыдик висьтъяс. Видлө асьсө и журналистикаын. Вөлі республикаса том журналистьяс-лөн медводдза чукөртчылөм вылын. Йөзөдчө оз сөмын Кулөмдин районса “Парма гор” газетын, көні петисны сылөн медводдза гижөдъяс, но и республикаса газет-журналтъясын.



## КОДЗУЛА РЫТӨ

Төв шөр, а ывлаын шлявгө-зэрө. Рытланьыс кынтө да туйыс рөмпөштан кодъ. Көть конькиөн ислав. Но менам коньки абу. Зэв полөмпырысь восьлала да енэжө на видзөдлывла. Лыдтөм-тшөттөм эзысь тусь сэтчө кодкө сяркнитөма - тырыс кодзув. Мөвпала: “Гашкө, кытөнкө миян мозжө олөны. Вот эськө лэбзыывлыны на дорө да төдмасьны”. Но менам бордъяс абуось. Да и көть вөліны, өдвакө сы ылнаөдзыд воан. Космической корабльясөн и то оз на сяммыны.

Менө босьтө гажтөм, мый мөвпөй некор оз збыльмы. Гашкө-и, оз таысь, а сыысь, мый виччысьө кузь туй. Ылө дыр кежлө мөдөдча, сьөкыд янсөдчыны сикткөд, гажа местаяскөд. “Но нинөм. Төдмасы виль йөзкөд,” - такөда ачымөс да аддза, кызди өти кодзув меным югнитис. Збыль өд меным. Мый водзө нө? Сійө, колөкө, и эм менам кодзулөй?

## ЭЖВА

Менам чужан сиктöй - Пожöгöй - су-  
лалö Эжвалон кыр йылын. Сійö меным зэв  
дона.

Гожöмнас сійö гора гөлöса. Тайö сикт-  
са челядь шпальöдчöны шоныд ваын, тор-  
кöны вөр-валысь лөнсьö. А арнас ю дорын  
некод абу. Зэв нин веськавлас пыжөн  
мöдлапöлö вуджалысь. Эжваö сэки уна  
зарни деньга гылалö. Ёна и озыр менам  
юй.

Тöвнас Эжва йи куд улын, бур туй вö-  
ралысьяслы да турун ваялысьяслы.

А тулысын ю кузя, быттьö еджыд юсь-  
яс, кывтöны йи пластъяс. Тöв йöткö на-  
йöс, öдйöджык кöсийö нуны миянысь кöдз-  
ыдсьö.

И бара гожöм. Тадзи и олö менам Эжва  
- олан гажöй да донъясянторйöй!

## МИЧЛУН

Вöрын лөнъ, сöмын кок улын дзур-  
тышталö лым. Сійö дзирдалö шондi югөръ-  
яс улын. Пуяс эзысь сикöтшаöсь. Кöдзыд,  
ныртö чеплялö, но ме тайöс ог казав, сы  
вöсна мый нимкодяся вöрыслон мичлунон.

Лымйыс ставсьö тыртöма, а гожöмнас  
татi мунны он вермы, гөгөр кызд веськалö  
пöрöдчöмаöсь да. Ассыныс чужан мунысьö  
урöсмöдöны и кутшöмкö бур виччысьöны.  
Тадзи оз овлыны. Быд вож кö сьölöмыдлы  
дона, сэки олöмыс лада.

# ЯНА ВАСИЛЬЧЕНКОВА

Велөдчө Пожөг шөр школа-са 11 классын. Ёнджыкасө гижө серпасъяс, ывлавыв серти вөчөм пасйөдъяс. Енбиыс тыдалө и сьылөмын. Петкөдчылис выль коми сьыланкывъяслөн “Василей” фестиваль-конкурсын. Лоис вермысь-өн “Войвыв кодзув” конкурсын, көнi ассьыныс сям петөдлiсны финн-йöгра муясыс медмича нывъяс.



## ЛЫМКӨД АДДЗЫСЬӨМ

Сьөкыд велавны ар дорө. Зэрөн бөрдьс лунъяс сьөкыдось сьөлөмлы. Пукалан өшинь дорын ли петан кильчө вылө да өтитор и аддзан: зэрө. Пуяс кушөсь, коръяс кынмөны нильзьөм му вылын, оз нин веськавны бөр пу вожъяс вылө.

Дыр зэрөмысь руа. Сиктын некод оз тыдав. Кодлы нө окота көтөдчыны арся көдзыд зэв улын?

Меным долыдджык төлын. Көть и көдзыд да сиктным быттьө куш, меным сьөлөм вылын кыпыдджык. Гашкө, төлыс воө сьөлөм вылө стрөглуннас да сөстөмлуннас? Гөгөр еджыд эшкын, ставыс дзирдалө. Сөмын и радлан: “А лөсьыд да! А мича да!”

Сиктын керкаяс, быттьө кодзукотъяс. Лым пиас дзоляммөмаось, сөмын оз котравны өтарө-мөдарө. Исласьөны даддьөн да лызьөн челядь. Сералөны-ваксьөны, долыд налы, кытчөдз питшөганыс көдзыдыс оз йөрмы. Кодкө усьөма, кодкө зурасьөма мөдкөд. Кодкө да весиг сьылышталө.

А дурысьыс кымын! Сёмайбырöй, челядьдырöй. Менам сійö колис. Окота дзоясыскöд лым пиас тшöтш пуртікасьыштны, да ог нин лысьт, серамыв лэптасны.

Ворйөн иславны весиг локтісны. Куимөн сэтчö пуксисны да мөдöдчисны кыр горув. Ворйыс бергалö, быттьö вабергачö веськаліс, öдйöкодь и тюріс кыр горулас. Ичötъяс повзисны, чилзыны весиг кутісны. Но ставыс лючки лоис: “караб” лөсьыда воис аслас “пристаньö”. Неважөн на чилзысь “морьякъяс” кутісны сёльгынысеравны, резйысьны лымйөн. Гажа налы, майбырöй! Весиг менам нюмöй петіс.

Друг мыйыськö садьми, ачым ог төд мыйысь. Мөвпъясöй вошисны-лэбисны, кыдзи лэбач-пötка шоньд муясö. Видзöдлі öшиньö да уси шемöсö.

- Лым! Лым усьö! - нимкодьöйла аслым ог эскы. Збыль öд лым усьö. Медводдза лым. Сьölөм вылын сэтшөм долыд, шуны ог вермы. Öдйöджык ывлаö. Дона ёрткөд колö аддзысьлыны. Мый и сылы ме висьтала?

# АНАСТАСИЯ ДЁМИНА

Велөдчө Скөрөдумса  
өкмис воа школаын 6 клас-  
сын. Гижө кывбуръяс, көні  
серапасалө ассьыс чужа-  
нінсө, олөмысь челядълөн  
на синъясөн казялөм лов  
кыпөданторъяс.



## МУСА МЕСТА

Менам муса места -  
Тайө, дерт жө, вөр.  
Сьөлөм лэбыштөдысь  
Сылөн чөскыд көр.

Менам муса места -  
Тайө, дерт жө, видз.  
Дзоридзьясыс сәні -  
Медся ыджыд мич.

Менам муса места -  
Тайө, дерт жө, ю.  
Менам муса места -  
Ставнас чужан му.

## КЫДЗ

Ошкөй пелысьсө көть кыз,  
Меным медся мича кыз.  
Торйөн сэк, кор сийө веж,  
Платтьö вылас петö веж.

Төвнас пуыс меным жаль,  
Кынмө сылөн кок и чаль.  
Да оз йизыы сылөн лов,  
Весиг бушколысь оз пов.

Воо тулыс - бара веж,  
Кызди-й чужан мулөн эж.  
Ошкөй пелысьсө көть кыздз,  
Меным медся мича кыздз.

# АНАСТАСИЯ ЕФРЕМОВА

Велөдчө Помөсдин шөр  
школаһа 11 классын. Вель  
нин дыр йөзөдчө “Парма гор”  
газетын. Кывбуръясыс петав-  
лөны и республикаһа газет-  
журналын. Велөдчө гижны тат-  
чөс школаһын котыртөм “Пе-  
тас” литературной кружокын,  
кодөс нуөдө поэт Александр  
Шебырев. Кывбуръясын абу  
сөмын чужан му серпасалөм,  
но и олом йылысь бура джу-  
джда нин мөвпалөм.



## АР

Со и ар нин. Бара ар нин -  
Сьөлөм вөрзёдана кад.  
Вөрыс-ваыс ставнас зарни,  
Быттьө мича мойдын сад.

Регыд ырыштчас нин төлыс,  
Кутас дженьдаммыны лун.  
Тэнад сьөлөм шонтысь вөлі,  
Мед и төвнас ме ог вун.

## МЕНАМ СИКТ

Быд асыв парма Эжва йөлөн мысьё,  
Сөдз асья кыа быттьө рөмпөштан.  
Зэв ньөжйө унзиль еджыд руыс кысьё,  
И сійөн чышкө сиктөй чужөмбан.

Бур сины, гашкө, ог и куж на ёна,  
Но воысь воё сьёлөм бердын дзик  
Да гырысь, гажа каръясысь на дона  
Веж пожомъяса, коми кывъя сикт.

## ЮСЬЯС

Енэжын лымъеджыд тусьяс  
Кисьтöны му вылö шог.  
Лунвылö лэбöны юсьяс -  
Кöдзаліс войладор бок.


Быдөнöс кора: эн лыйöй!  
Юсьыд öд - Ен сетöм лов.  
Некыдзи сійöс эн кыйöй,  
Мичлунтö вины оз ков.

Лэбöны лымъеджык тусьяс,  
Вундöны енэжлысь шөр,  
Лэбöны тöвйыны юсьяс,  
Тулыснас локтасны бөр.



# АЛЁНА КУЗНЕЦОВА

Велөдчө Куж школаса  
8 классын. Медводдзаысь  
на веськавліс том гижысь-  
яслөн районса семинар вы-  
лө, коді муніс 2007 вося ап-  
рельын. Гижны босьтчысь-  
лөн медводдза кывбуръяс-  
ын чужан му серпасалөм.




## ТӨВСЯ ЛУН

Ок и гажа төвся луныс,  
Шонді ытваалө кор.  
Гортса уджыд весиг вунө,  
Локтан гортө пемдандор.

Аскоддьөмкөд лыжи вылын  
Лэбан горув варыш моз,  
Либө ветлан бура ылө,  
Көні пожөм сора коз.

Көть и көдзыд, ловлы долыд,  
Жаль, мый дженьыд төвся лун.  
Кыдзкө эськө вөчны колө,  
Сійө дырджык мед эз мун.

# КСЕНИЯ КУЗНЕЦОВА



Велөдчө Дон школаса  
6 классын. Пөся радейтө  
чужан му да чужан кыв.  
Тасянь и творчествоо сет-  
чөмыс. Медводдза сер-  
пасъясын, кызди и мукод  
том гижысьяслөн, вöрысь-  
ваысь казялөмторъяс.

## ДЗОРИДЗ ДА ТШАК

Вöли гажа ар, но зэв öдйö колис. Пуяс  
вылысь гылалисны коръяс, турун ляскы-  
сис му бердö, кытчöкö вошисны дзоридзь-  
яс. Сöмын öти катшасин катласис төв  
йылын. Кызкö ловъяөн на кольöма кузь  
зэръяс да бура ыркыд нин войяс дырйи.

Талун асывсянныс петис шондi да тайö  
дзоридзис ёна и рад лоис сылы. Шона-  
лыштiс да быдсөн петыштiс росъяс сайысь.  
А шондiыс нöшта лышкыджык лоис, бура  
и шонтiс ичöt ловтö.

Видзöдлiс катшасин гөгöрбок да казялiс,  
мый эрд бокас, вөр дорышас абу öтнас. Гөрд  
гоб матiникын шляпасö легöдiс. Шыасис сы  
дорö. Шуöны, мый тшакыд оз ветлöдлы, öти  
местаын сулалö, а тайö гөрд гобыс матыстчис  
да зэв на и шаня сёрнитны кутiс. Сёр-  
нитчисны öтув овны, тадзтö гажаджык.

Ме найöс аддзылi ывлаыслөн ыркав-  
тöдз на пес кералан туй бокысь. Гашкö,  
век на сэнöсь.

## ЮЛИЯ ЛИПИНА

Велөдчө Дон школаса  
10 классын. Бура төдса  
сикт гөгөрса кытшалысь  
вөр-вакөд, кодкөд ёртась  
дзолядырсяньыс. Сы йы-  
лысь и гижө аслас дженьыдик  
висьтъясын.



### НОП ТЫР РАДЛУН

Ывлаыс муртса на югдыштіс, а Митя чеччис нин. Талун сійө Миш дядьыскөд ветлас ю пөлөн видлавны көчьяслы да байдөгъяслы пуктөм лэчъяс.

- Ыджыд мам, талун кө ме байдөгтө вая, шыдтө пуан? - юалис сійө дона мортлысь

- Пуа, дерт, но кыйтөм сьөлатө, шулөны, оз куштивлыны, - вочавидзис ыджыд мамыс.

- Шедас, Миш дядь уна лэч пуктөма.

И со Митя Миш дядьыскөд лампа вылынөсь. Сикт узьө на: ни өти гөлөс, ни өти пон увтыштөм. Дядьыс водзын мунө да, кокни сы бөрся дась туйөд восьлавны. Он мун, а быттө исковтан.

Бура дыр мысти матыстчисны тылань, коді волі вевттьысьөма рөмпөштан кодь йион. Муныштісны пөлөныс да дядьыс шуис:

- Со и медводдза лэч кӧчлы. Но кӧсӧй синмыд абу шедӧма.

Сӧмын ӧнӧ Митя казяліс, мый ты гӧгӧрыс кӧчьяс ӧна олӧмаӧсь. Гӧгӧр ризъялӧмаӧсь, кыз тай ризъявлӧны челядь лыжиӧн котралӧгӧн. Радейтӧны жӧ, кӧнкӧ, ворснытӧ. И байдӧг ветлӧмыс гӧгӧр вӧлі. Но некод жӧ абу шедӧма.

- Тэ да ме да абу тай шудаӧсь, - ышловзис дядьыс. - Вай йи улӧ вӧйтлӧм кулӧмсӧ кыям.

Кулӧм помъяссыс видлалан юкмӧсыс кынмӧма да бура дыр черӧн да пыридзӧн сизьдысисны. Юыс эз жӧ ӧнасӧ лышкыдась. Некымын чери и шедӧма.

- Нинӧм вӧрас-ваас эз кут кольны, - броткис гортӧ мунӧгмоз дядьыс. А Митялы, куш ноп вылӧ видзӧдтӧг, вӧлі долыд. Ачыс эз вуж висътавыны, мыйла.

# СВЕТЛАНА ЛОГИНОВА

Велөдчө Кужса школа-  
ын квайтөд классын. Сө-  
мын на босьтчис гижавны  
кывбурьяс. Медводдзаысь  
воліс 2007 вося апрельын  
нуөдөм том гижысьяслөн  
семинар вылө, босьтис ыдж-  
ыдджык гижысьяслысь оп-  
ыт. Медсясө серпасалө сі-  
йөс, мый аддзө горт гө-  
гөрсыйс, да вөр-ва.



## МИЯН САД

Мамө вурис меным платтьö,  
Сылы висьталі ме аттьö.  
Шуи: “Отсала и тэд,  
Аслыд нимкодь лоис мед”.

Со и отсөг мамлы ковмис,  
Тырмас легөдчытөг овны.  
Мамө көсйö вöчны сад,  
Талы ёна жö ме рад.

Пуктім дзоридз уна сикас,  
Кутшөм абу на и сиктас.  
Гажа лоис миян йөр,  
Радлун сьөлөмө оз төр.

Любуйтчöны том и пöрысь,  
Ловзьöмаöсь миян йöрысь.  
Мед и олас миян сад,  
Оз и арыс мунлы тат.

## АР

Бара воис жугыль арыс,  
Пырис вутшъяс костö жарыс.  
Гежöда нин шондi петлö,  
Рудов кымөр гөгөр ветлö.  
Лун-лун гымалö да зэрö,  
Весиг ырыштчылö шэрөн.  
Овлö, быдса вежон кисьтö,  
Оз öд турун, сьölөм сiсьтö.  
Регыд кынмас ваа эрдыс,  
Сэсся сiйö лымйөн бердас.  
Мед кө локтас көдзыд төлыс,  
Кодлөн тильгуна век вöлыс.

## ЕВГЕНИЯ ЛЮТОЕВА

Велөдчө Улыс Вочса  
школаын 9-өд классын.  
Поэзиялөн мирын дзоля-  
сянь. Бура төдө, мый сэ-  
тшөмыс кывбур, тэчө сти-  
хосложениелысь корөмъяс  
пыдди пуктөмөн. Кызди и  
мукөдлөн, творческой туй-  
лөн панасын чужан му сер-  
пасалөм.



## МУСА ВӨР-ВА

Вөр-ваыд мичлуннас ас дорас кыскө,  
Радлөны вөр-валы пемөс и пыста.  
Вөр-ваыд быдсяма шемөсөн тыр,  
Сьөлөмтө ловзьөдө, видзөд көть пыр.  
Вөр-ваыд вердысь мый - быдөнлы төдса,  
Некодлы өдзөсыс абу өд пөдса.  
Быдөнлы восьса и шензьөдан мич,  
Вөр-васө дорйы, лөк мортъясысь видз.

## ЧЕЛЯДЬДЫРСЯ

Дзолядырся кадыд некор тай оз вун,  
Казытывлана сэтысь дзик быд югыд лун.  
Зэра тулыс-арын уличаыс няйт,  
Брөд ва локтан гортад, висьмыны он чайт.  
Төлын тола пиын собалан лун-лун,  
Гожөмъясын вөрысь войөдзыс он мун.  
Мамыд көть и видас, дурөмысь оз кут,  
Төдө: тайө миян челядьдырся шуд.  
Ворсөмөн да гажөн кылаліс нянь-сов,  
Ыджыдось көть важөн, челядьдырын лов.

# КСЕНИЯ МАРТЮШЁВА



Кулөмдінысь Ксения Мартюшёва велөдчө 9-өд классын. Тавося апрельын медводдзайсь велөдчис том гижысьяслөн районса семинар вылын, кодөс нуөдіс “Парма гор” газетлөн редакция, Сыктывкарса гижысьяс Владимир Тиминөс да Елена Козловаөс корлөмөн.

Ксения сөмын на босьтчө гижны. Мыйкө да артмө нин.

## КЫДЗ ПУ

Вөлі кызд пу кыпид  
Гожөмбыд.  
Том йөз воывлісны  
Дзик быд рыт.

Ар со воис. Шонді  
Син оз ёр.  
Воштіс кызд пу асьыс  
Бөръя кор.

Эн бөрд, кызд пу, тулыс  
Воас выль.  
Козьналас тэд платтьö  
Мича, выль.

Бара лоан кыпид  
Гожөмбыд.  
Гажөдасны тэнö  
Дзик быд рыт.



## АДДЗЫСЬЛЫТӨДЗ

Аддзысьлытөдз, школа,  
Арнас локта бөр.  
Лоас кыпыд лола  
Бара тэнад йөр.

Водзö суюм юрö,  
Төдны колö мый.  
Велөдчан кө бура,  
Коскад оз өд лый.

Велөдчөмөн лоан  
Ставлы колан морт.  
Кытчö мунан - воан  
Да он эновт горт.

# АЛЁНА МИШАРИНА



Велөдчө Кулөмдинса шор школаын 11-өд классын. Кывбуръяс босътчис гижны бөръя кадө. Серпасалө медясө вөр-ва. Медводдзаысь вөлі том гижысьяслөн районса семинар вылын. Кывбурсө, кодос сетам, лосьодыштіс семинар вылө волысь коми гижысь Владимир Тимин.

## ВИСЬТАСЬӨМ

Мен шуан кө: “Тэнö ог радейт...”  
Да ас дорад сэсса он кор,  
Яр биыс, мый сьөлöмын öзйис,  
Сэк кусас, кыз гылалөм кор.

Мен шуан кө: “Абу тэ муса...”  
И ме дорö збыльысь он лок,  
Сэк аддза, мый радейтчөм чусмис,  
И ачым ог кор тэнö, ог!

# ЕЛЕНА МОРОХИНА

Велөдчө Улыс Вочса  
школаын 8 классын. Сы-  
лөн кывбуръясын петкөд-  
чө чужан му динө ыджыд  
муслун. Том поэт серпа-  
салө сідзжө сиктса олөм,  
горт гөгөрын бергөдчөм,  
вермана удж да с.в. - став-  
сө, мый шымыртө том ве-  
жөрыс. Медводдзаысь вөлі  
том гижысьяслөн семинар  
вылын.



## ЧУЖАНИН

Көні чужи, көні быдми,  
Көні ола-выла,  
Сэні гажа вөрыс-ваыс,  
Сэні сьолөм сьылө.

Арыс волө уна рөмөн,  
Синъяс водзын öзйө.  
Сійö төждысьö морт вöсна,  
Тшак да вотöс вөзйö.

Тöлыс мян зэв жö мича,  
Көть и көдзыд лола.  
Джуджыд кыръяс йывсянь лэбзям,  
Исласям да олам.

Ёна гажа югыд тулыс,  
Ловзьөдö став мусö.  
Сійö верстьöлы и томлы  
Век тай медся муса.

Гожом көть и уна уджа,  
Зэв жө шаня кылө.  
Сійө мыськө югыд ваён,  
Рытьявылыс сьылө.

Көні чужи, көні быдми,  
Сэні ола-выла.  
Сэні-й збыльыс ставсьыс гажа,  
Ёнджыкасө сьыла.

### ИЧӨТ ВОК

Миян гортын медся дзоля  
Менам вокөй - ичөт Коля.  
Сійөс радейта ме ёна,  
Сійө меным медся дона.

Чеччө водз да сёрөдз олө,  
Сиктын уналаө волө.  
Кытчөкө век сійө муно,  
Сы вöсна мый ёртыс уна.

Өні мед кө сійө жөдзысь,  
Быдмас - лоас быдтор вöчысь.  
Батылы лоас веськыд киён,  
Мамлы коляс зарни пиён.

# НАТАЛЬЯ НАПАЛКОВА

Велөдчө Зимстан шөр  
школаса 11-өд классын.  
Бура төдө чужан кыв, пөся  
радейтө ас чужан му. Тайө,  
төдөмысь, и лэптис сийөс  
гижан бордъяс вылө. Мед-  
сясө серпасалө ичөтик висьтъ-  
яс, олөмын лоөмторъяс.  
Өтувъя книгаын петкөдчөм-  
ыс медводдзаясь.



## ВОТИМ... ПОН ТШАК

Сэксянь колис нин уна во, но ме век на  
серамсорөн казтыла тайө лоөмторсө.


Өтчүд ми ветлим вөрө вотны тшак. Гожом  
помнас нин, кор парма озыр быдторйөн.  
Вөлим ичөтөсь на да ыло мунны эг лысьтөй,  
матиникө и сувтім. Сэтчө жө тшакыс вөли  
шензьымөн уна, мыйла ылөсө мунны?

Өти местаысь и өктим, ёнасө эг кытш-  
лалөй. Зэв өдийө и дозным тырис. Көть эськө  
унджык вотөма, да некытчө пуктыны.  
Өвсьыны ковмис.

Зэв радпырысь гортө воим. Ме пыри гортө  
да эшти и висьтавыны, кутшөм гажа вөрыс да  
кутшөм уна тшакыс. А гортсаяс мыйлакө  
кутисны серавны. Вөлөмкө, менам кызвынсө  
пон тшак босьтавысьөма. Сийөс оз вотны да сы  
вөсна и уна вөлөма матиник вөрын.

Но и бур тшакыс вөли жө, сыысь пуисны  
чөскыд шыд. Зэв на и ошкисны менө отсась-  
өмысь да висьталисны, кутшөм тшак туйө сөй-  
ны. Сэксянь сэсся эг нин босьтавылы пон тшактө.

# МАРИЯ НИКОЛАЕВА



Велөдчө Пожөг шөр  
школа са 6-өд классын.  
Сьөлөмсянь радейтө чужан  
кыв да чужан му. Енмыс,  
кыз шуласны, малыштөма  
сийөс да мичаа нин серпа-  
салө ас гөгөрсө. Гижөдъяс-  
ыс петавлөны весиг рес-  
публикаса изданиеясын.

Сяммөмсө пасйисны и  
семинар дырйи, код вылө сй-  
йө воліс медводдзаясь на.

## ШУД

Өшым төлысь помын меным усис шуд  
ветлыны юркарө, көні “Йөлөга” газетлөн  
редакция нуөдіс Виль вося коз дорын гаж.  
Сйө луннас чеччи зэв водз, эз узьсы,  
мөвпнам вөлі нин сәні, быд пөлөс рөмнас  
дзирдалысь веж лыска пу дорас. Мамөкөд  
лөсьөдыштим сумкатор көлуйөн – бал  
вылад өд школаө ветлан паськөмнад он пыр.

Пемыд на. Сиктным узьө. Сылысь ун-  
зильсө көнскөрө пальөдышталөны увтчысь  
понъяс. Но скөтөн олысь көзьяйкаяс чеччөмаөсь  
жө нин, пач трубаясысь лювгөмөн кайө тшын.

Со и вөрзьөдчим. Но и кузь жө нин  
туйыд Сыктывкарөдзид. Мунигмоз ад-  
дзывлі вель уна сикт-грезд. Юркарө пырим  
кызкө төдлытөг – сувтим кутшөмкө ыдж-  
ыд керка дорө. Коми кывйысь велөдысь  
Владимир Игоревич нуөдіс мянөс нельөд  
судтаас: муныштим кузь коридор кузя и  
пырим “Йөлөга” газетлөн редакцияө. Сэтчө  
нөшта локтисны Көрткерөс районса Керөс  
сиктысь том войтыр, том артистьяс, КВН-

щикъяс вѳлѳмаѳсь, “Йѳлѳгалѳн” ѳртъяс.


Пасъкѳм вежѳм бѳрын лѳччим мѳдѳд судтаас. Сѳні ыджыд залын сулаліс Виль вося коз. Пансис гажа петкѳдчѳм. Медводз быйкнитісны-петісны куим порсьпи: Ниф-ниф, Наф-Наф да Нуф-нуф. Найѳ сьылісны да йѳктісны, ми гажѳдчыштїм жѳ накѳд. Сѳссия петкѳдчисны челядь. Коді сьыліс, коді йѳктіс, коді кывбур висьталіс. Меным ставыс зѳв ѳна воис сьѳлѳм вылѳ. Сѳссия ставѳн ѳтвылысь корим Мороз Пѳльѳс да Лымнылѳс. Но и мича жѳ пасъкѳмныс налѳн! Найѳ нуѳдісны быдсяма ворсѳмъяссѳ. Сѳссия “Йѳлѳга” да “Радуга” газетъясысь главнѳй редакторъяс босьтчисны сѳтавны козинъяс. Меным вичмис кыз энциклопедия да зѳв ыджыд кулѳк. Сійѳ жѳ залас сулаліс вель кузь озыр пызан. Кутшѳм сѳмын юмовторсѳ эг видлѳй! Меным зѳв ѳна кажитчис тайѳ гажѳдчѳмыс.

Виль вося коз бѳрти ми гуляйтыштїм юркарті. Ветлім Стефановскѳй площадь вылѳ. Матыстчывлім пыр ѳзйысь би дорѳ. Пыравлім ЦУМ-ѳ, Детскѳй мирѳ да нѳшта некымын ыджыд вузасянінѳ. Кадыс искѳвтіс тѳдлытѳг, вѳлі нин сизим час рыт гѳгѳр, кор вѳрзьѳдчим гортлань.

Коли нин уна кад, а менам син водзын век на сійѳ гажыс, нималана челядьыс, озыр козинъясыс. Зѳв ыджыд аттьѳ “Йѳлѳга” газетса редакциялы да Владимир Игоревичлы, кодъяс сяммисны вѳчны челядьлы татшѳм вунѳдлытѳм мича гаж.

Мед локтан вояс ваясны “Йѳлѳга” газет лыддысьяслы шердын тыр шуд, а муса газетным нѳшта мичаммас, озырмѳдчас виль лыддысьысьясѳн.

# АНАСТАСИЯ НОГИЕВА



Велөдчө Кулөмдинса  
школаын 6-өд классын.  
Сөмын на босытчө гижны.  
Кывбуръясын медсясө  
вөр-ва. Районса том ги-  
жысыяслөн семинар вылын  
вөлі медводдзаысь.

## ВӨР

Синъяс водзын гажа вөр,  
Сэні унапөлөс көр.  
Сэтчө ветлігөн ог вош,  
Оз и повзьөд гөна ош.  
Колльөн гөститөдас ур,  
Кырйыс сиас: “Бур-бур-бур!”  
Шойччөдыштас нитшка воль,  
Сылас галязъя ёль.  
Парма-вөрыс - меным ёрт,  
Сійө быттьө зэв бур морт.

## НӨДКЫВЪЯС

\*\*\*

Гортса ыджыд пемөс,  
Уджтө вөчө нэмыс  
Тулыс, ар көть төв.  
Сылөн нимыс (вөв).




\* \* \*

Тайö гөгрөс мачыс,  
Быттьö мамлөн пачыс,  
Көдзавлытөг шонтö.  
Сійö - миян (шонді).

\* \* \*

Гөна, бөжа, пеля, уска,  
Синмыс ыджыд, абу туска.  
Сідзсö зэв и шань.  
Тайö лоö (кань).

# НИКОЛАЙ ОРЕХОВ



Помаліс Зимстанса шөр  
школа. Пырис велөдчыны  
целлюлозно-бумажной тех-  
никумө, лоас бумага вөчан  
производствоса специалист-  
өн.

Сылөн кывбуръясын  
төдчө нин олөмсө пыдісянь  
вежөртөм, эм и кывбурсө  
тэчан сям. Том гижысьяслөн  
семинар вылын кывбуръяс-  
сө шуисны медбурьяс лыдын.

## ВӨВЪЯС

Рөдтөны, лэбөны, гөрдлөны,  
Качөма бурьыс и бөж.  
Вөвъясыс, овлө, и бөрдлөны  
Корсюрө олөмныс чөж.

Мыйкө век вөчөны-пессьöны,  
Сьökыд зэв налөн лун-вой.  
Пессьöны коньөръяс, чегсьöны,  
Пыкöны көвъясьöм дой.

Коркө и ныр вылас усьöны,  
Мöдысь оз олөмыс шед.  
Кувтөдзыс бөрдöны гусьöник,  
Некод эз аддзывлы мед.

## ЫДЖЫД МАМ

Еджыд руа гөгөр, тіч ни тач.  
Гожся асыв - сиктын гуся кӱлдун.  
Ыджыд мамӱ ломтӱ ыджыд пач,  
Шлапкӱ шаньга, тэчӱ рачӱ кӱвдум.

Асъя шондӱ - кӱвдумыслӱн бан,  
Небыд вольпась - ма туруна видзьяс.  
Эськӱ нэмыс олан-вылан тан,  
Кӱнӱ тэно ыджыд мамыд видзӱ.

Руыс кыптӱс - рытнас пырас зэр,  
Сиктыс садьмис, ваймӱдӱсны пачьяс...  
Ыджыд мамтӱг олӱм лоис нэр,  
Некод дорӱ волывлыны татчӱ.

## НЫВЪЯС

Льӱм пу садйын еджыд быг,  
Небыд киаӱсь веж вӱръяс.  
Менам муса нылыс кык,  
Ог тӱд, коднысӱ и бӱръя.

Ӑти нылыс - небыд нянь,  
Сыкӱд мед эськӱ ог торъяв.  
Муса, мелӱ, мича, шань,  
Пыр кӱть сы вылӱ и дзоръяв.

Но а мӱдыс - дзик оз тусь,  
Кодӱ чӱскыд, вомад сылӱ.  
Сыкӱд ньӱти юр оз усь,  
Сьӱлӱм колипалӱ-сьылӱ.

Гылалісны пелысь-льём,  
Өктысисны кайяс, нывъяс.  
Ылөдлө тай, вөлөм, рөм -  
Талун некодөс ог сывъяв.

## КОЗИН

Пелысьыслысь кыа мольяс  
Тэныд коркө өкті ме.  
“Лэбачьяслы тшөтш мед коляс, -  
Вывті шома”, - шуин тэ.

Маръямольлысь биа мольяс  
Сэсся вайи коркө тэд,  
Сьөлөм пыткад тэныд колис  
Тайө гажа биыс мед.

Сэсся корси пөлөзнича  
Гажа эрдъяс вылысь дыр,  
Век мед вөлін именнича,  
Нюмыд тэкөд оліс пыр.

Төвнас кутшөм нуны козин?  
Нинөм ки улө оз сюр.  
Дөзман кывъяс өдйө корсин,  
Пыр и шуин: “Эн вай дур!”

## МЕНАМ МУСЛУН

Лежнөг дзоридз - менам муслун,  
Небыд рөма асья кыа.  
Кымөртчас да, сійө куслө,  
Абу гыа, абу шыа.

Кокни төвру - менам муслун,  
“Өввө” кодь жө сійө мелі.  
Сійө вөтлө өшйөм буссө,  
Арся гөпъясөдыс келө.

Небыд лым кодь менам муслун,  
Коді гусьөникөн чужө.  
Мыйлакө тай сэсся чусмө,  
Видзны сөстөмнас ог куж на?

## АННА ПАШНИНА



Велөдчө Кулөмдінса  
шөр школаын 6-өд клас-  
сын. Кывбуръяс бердө  
босътчис регыд на, вөчө  
медводдза воськовъяс. Том  
гижысьяслөн семинар  
вылө воліс медводдзаысь.

### ВО

Ывла вылын мича гожөм,  
Радлө сылы морт и пожөм.  
Ывла вылын зэра ар,  
Жугыльмисны сикт и кар.  
Локтіс еджыд пася төв,  
Гортын пукалөны чөв.  
Но өд воис гажа тулыс,  
Бара радлам шонді улын.

\*\*\*

Быдөнлөн эм ыджыд мич,  
Со тай кутшөм гажа видз.  
Быдөнлөн эм муса горт,  
Быдөнлөн эм дона ёрт.  
Быдөнлөн эм муса мам,  
Коді сетө олан сям.  
Быдөнлөн эм аслас туй,  
Зільө, бокө мед оз суй.

## КЫДЗ ПУ

Кыз пу сулалө да быдмө,  
Сійос быдтө мулөн вын.  
Көть и көдзыд төлын паськөм,  
Сылөн лолыс абу кын.

Тулыс пуксяс - коръяс лэдзө,  
Лолө быттьө мича ныв.  
Гудөк рытьявылыс волө,  
Юргө гажа сьыланкыв.

## ВӨТ

Өтчюд дзоля Васьө мудзис да ланьтис  
школаын сетөм гортса уджсө вөчтөг. Вө-  
тасис, быттьө вуджө ю вомөн. Видзөдө да  
аддзө: вөйөма караб. Корсис розь да пырис  
караб пытшкад. Аддзис сэтысь ыджыд  
сундук. Восьтис, а сэні письмө. Көсйис  
восьтны, но вөтыс орис: Васьө садьмис  
өдзөсө таркнитөмысь. Почтальон вайис  
письмө. Збыльмис вөтыс.

# ВЛАДИСЛАВА ПАШНИНА



Велӧдчӧ Пожӧг шӧр школаса 6-ӧд классын. Сыла бура сетчӧны коми кыв да литература. На дӧно мус-лун кычӧдӧс и гижӧм вылӧ. Медсясӧ лӧсьӧдалӧ дженъндик висьтъяс. Том гижысьяслӧн 2007 вося семинар вылын пасйисны медбуръяс лыдын. Вӧлі том гижысьяслӧн гоҗся университетын, кодӧс котыртлӧ республикаса гижысьяслӧн котыр.

## СТӢПА

Кор миянлы вайисны сиамокӧй каньпи - дзоля кисульнымӧс шуим нимтыны СтӢпаӧн. Морт нимтӧ пуктӧм да, дзик морт кодъ кутӧс лоны. Дзолядырсянъяс нин эз мукӧд каньяс моз кӧв йылӧ гартыштӧм кабаляӧн ворс, а небыд ӧблезяна чачаӧн. Нуас пач сайӧ да качйӧдлӧмӧн ворсӧ. А коркӧ гортӧ локтӧм да весиг чуймим: “Кодӧ нӧ гортын карапужитчӧма-олӧма?” Джодждӧратӧ дзугӧма, дзоля воклысь став чачасӧ разӧдӧма-новлӧма. Видзӧдам да, каньыд ворсӧ. Мыйӧн абу дзоля кага? Неважӧн на СтӢпаӧс ыръянитӧмысь вӧтлӧм ывлаӧ. Сийӧ дӧзмис, няргигтырйи кайис лӧскӧ, бытьӧ миянкӧд пинясис, сӧсся, видзӧдам да, пакӧститӧма каньыд. Некымынысь мамӧ видӧс дзоля вокӧс лук разӧдӧмысь, ӧгӧсьтӧмысь, а вӧлӧм локтӧ Степаныд паччӧрысь



первой лэдзалö джоджö, а сэссия лунтыр  
лук бöрсяйд вöтлысьö.

Коркö меным мамö тшöктіс пач лом-  
тыны, пес куті сюявны да, пачыд кутіс  
нявзыны - Степаныд сэтысь петö. Кымын  
кань нин ми видзлім, но Стёпа кодь  
“дивöыс” эз на вöвлы. Кылас кө шкапысь  
чöскыд дук, оз улісянныс восьты, а каяс  
йирк бердын öшалысь шкап вылö да лапасö  
суйöмөн надзöник восьтö, вегыльтчöмөн  
пырö шкапö да лэдзалö сэтысь, мый колö.  
Öтчыд таdzi шкап восьтігад шнёпкысис-  
усис помöй ведраö, дзоньнас лоис брöд ва.  
Ачыс на медся ёна повзис.

А яйтö чулансьыд тöвнас некытчö ог  
вермöй дзевны. Вевта ведратö восьтö,  
мешöкын кө яй - мешöктö йирö, дзоля-  
джык кусök кө - бокö кыскö, а заднас кө  
яйтö колям - лыödзыс йирö. Сё майбырöй,  
оз бара тшыгъяв!


Сэссия кажитчö Степанлы мös вöра йöv.  
Рыт и асыв мам бöрся вöтлысьö. Пöдöнчаөн  
кө петö - гидödзыс вöтчас. Терпенньöыс  
абу идрасьöмсö виччысьны. Идрасигчöжыс  
ниртчö да нявзö мам дорын, быттьö шуалö:  
“Öдйödжык вай!” А мамö кө лөнъодас  
Степанös, инас öшйытöм каньыд пырö ыж  
вежösö да быд бакöстöмысь найös чашйö-  
вачкалö лапанас.

Миян Степансьыд весиг вель ыджыд  
понъяс полöны. Локтас кө кильчö помö  
кутшöмкö пон - чеччыштö, гыжнас тшапкö  
- понйыд никсігтырйи муно. Миян Стёпа-

ным ещѹ зѣв на вернѹй кань. Мунам кѹ  
кытчѹкѹ рытпукны, Степаныд колльѹдѹ  
гѹстьясѹдзыд, а сѣсся виччысьѹ пос помас  
миянлысь петѹмнымѹс. Йѹзлы миянѹс оз  
коль. Сѣрнитам кѹ Степанкѹд - сійѹ видзѹдѹ  
синмад да нявзѹ, быттьѹ мыйкѹ вочавидзѹ.  
Мукѹддырйиис кывтѹм пемѹсыд мортсьыд  
вежѹрадзык овлѹ. Степанным - семьяын  
олысь жѹ. Кытчѹ ми, сѣтчѹ и сійѹ. И ѹнѹ  
сїдз жѹ.

# АННА ТАРАБУКИНА

Велөдчө Кужса  
школаын 6-өд классын.  
Кывбуравны сөмын на  
босьтчө. Наын - чужан  
мулөн серпасъяс. Том  
гижысьяслөн семинар  
вылө воліс медводдзаысь.




## ЗЭР БӨРЫН

Югдіс вольной светис,  
Ошкамөшка петис.  
Пуяс вылысь киссьө  
Енэж йирса моль.  
Гуран ваон тырис,  
Челядь сэтчө пырис.  
Гажа шонді косьтас  
Туруна веж воль.

\*\*\*

Тэ волы Эжва пөлөнас,  
Кор кылө сійө йөланас.  
Тэ чуйман юяс-тыясысь,  
Зэв унапөлөс шыясысь,  
Бур йөзлөн шоньд кывъясысь,  
Шань зонъясысь да нывъясысь,  
Став коми йөзлөн олөмысь  
Да нимкодь лоө волөмысь.

## МАРИЯ ТИМУШЕВА



Помалис Немдинса шөр  
школа. Пырис велөдчыны  
Сыктывкарса медводдза  
номера педколледжө. Ыдж-  
ыджык арлыда том морт-  
лөн и сьөлөм вөрзьомьясыс  
төдчанаджыкось. Кыпөдө  
лов оз сөмын гажа ывла-  
выв, но и том морт дорө  
муслун.

\*\*\*

Тэ мекөд төдса вель нин дыр,  
А ёнасө өд ог и төд.  
Но ёртасыны ми кутам дыр.  
Мед ярскөб... Лөгасыны ог мөд.

\*\*\*

Ме медся воддза воськовъяс на вөча  
И косья, мед эз артмы эськө жөдзөм.  
Мед эськө сюрис сьөлөм серти удж  
Да олан туйөс ылөсас эг вудж.

\*\*\*

Ме ог на төд, мый мекөд лоө водзө,  
Өд пемыд олөм лачасө оз сет.  
Мед эськө өзъяс аслам югыд кодзув,  
Мед эськө петас меысь и поэт.

Ме төда: зэв на гартас тайө олөм,  
Өд ывла вылын весьөпөрөм нэм.  
Мед эськө шудыс кымыныськө олас,  
Мед эськө меным отсалыштас Ен.

## АРТУР УЛЯШЁВ

Помаліс Помёсдінса шөр школа. Пырис велөдчыны Сыктывкарса университетлөн финно-угорскöй факультетö. Важөн нин ёртасьö “Парма гор” газеткөд да йөзөдö сэнi кывбуръяс. Найö петалöны и республикаса газет-журналын.



### ТÖЛЫН

Чарла кодь тöлысьыс веськодья дзоргö,  
Коялö му вылö кöдзалөм би.  
Понъяслөн увтыштöм чöv-лөнсьö торкö,  
Узьмөдчан шыясö кывзысям ми.

Ыркалөм репасö дзебсьöма сиктным,  
Вугралö-узьö сэн, быттьökö ош.  
Шондiыс дыр нин зэв танi оз чиктив,  
Эз жö öд кытчökö сибды ли вош?

### ОЛÖМ

Олöмыс котöртö тэрыба, öдöбөн,  
Гöгыль моз тюрö тай, некыз он кут.  
Унаысь синваыс банбоктö кötödö,  
Унаысь бергөдчö морт дорысь шуд.

Унаысь олөмсö асьным ми конъялам,  
Асьным жö аслыным пукталам тас.  
Олöмыс олöмысь быдөнöс донъялö:  
Кодлыкö -вежон, а кодлыкö - час.

## ЮСЬЯС

Лунвылö лэбанныд, колянныд позъястö,  
Шемöсö усьöма кöдзалысь вөр.  
Быдтінныд челядтьö, нэриник озъястö,  
Накөд и лэбанныд гортсыныд бөр.

Лунвылö сетчöмныд, шлывганныд выліті,  
Төданныд: лым улысь сёян оз сюр.  
Сөнiка нюръяссö ордъянныд ыліті,  
Лёк мортысь поланныд: дона öд юр.

Лунвылö төвзянныд, öтарö бөрданныд,  
Содзтысьö гөлöсныд кымөръяс пыр.  
Бытьёкö тiянöс кытчөкö йöртöны,  
Вöлясö медем эн аддзылöй дыр.

Лунвылö лэбанныд, юсьясöй, - войгылыд,  
Тулысын нимкодя локны мед бөр.  
Бара на нюмъевтас тiянлы Войвылыс,  
Морöсö радлуныс весиг оз төр.

## АРСЯ

Кöдзаліс шонді, вижöдіс рас,  
Пуктавынны пондіс ыркыдыс пас.  
Вотчам ми вöрын, шаркөдам пув,  
Водзын и бöрын чегъясьö ув.  
Важөн нин кусыс петавліс гым,  
Регыд нин усяс миянын лым.

# НАДЕЖДА ХУДЯКОВА

Велөдчө Кулөмдинса шөр школаын 6-өд классын. Кывбуръяс бердө босьтчис регыд на. Гижалө и дженъдик мойдкывъяс да нөдкывъяс. Медводдзасысь вөлі районса гижысь-яслөн семинар вылын, коді муніс 2007 вося апрель 4 лунө.



\*\*\*

Тайө гажа эрдыс Пятигорскөн шусьө,  
Сэні менө шонтө пашкыр гажа яг.  
Сійө менө вердө унапөлөс тусьөн,  
Сійө меным быдтө унапөлөс тшак.

Тайө гажа эрдас менам бордъя лолөй,  
Тані меным съывсьө вөляысь көть кор.  
Тайө гажайнас нюмъялөмөн ола,  
Некор ме ог эновт муса кильчө дор.

## ОТСӨГ

(ичөтик мойд)

Оліс-выліс быдсямапөлөс турун да дзоридзъяс пөвстын и катшасин. Отчыд видз вылын кыптис ён төв да босьтчис нетшкыны став му эжсө. Төкөтьө эз орөд и катшасинмөс. Сійө дзоля на вөлі да

повзёмысла кутіс чуксавны мамсö, а сійö удитöма кытчöкö мунны.

Горзёмсö кыліс горадзуль. Сійö сәтшöма кутіс зельгыны, мый тöлыд повзис да пышйис, а став ывлаыс тайö шысö кылём бöрын кутіс радлыны. Тайö вöлі лов кыпöдана шы.

Сэксянь катшасин да горадзуль оз торйöдчывны, век ва дорынöсь.



# МАРИЯ ШОМЫСОВА

Велөдчө Помөсдинса шөр школаын 11 классын. Кывбуръяс гижө бура дыр нин. Наын төдчө олөмсө оз челядь руөн казялөм, а верстьө мортлөн вежөрөн нин донъялөм. Пырө школаса “Петас” литературной кружокө, кодөс нуөдө Александр Шебырев.



## БАТЬЛЫ

Дона батытөг өдва кольө кадыс...  
Мен оз тырмы сылөн зумыд ки.  
Сьөлөм пытшкын важөн бырис радыс,  
Некор нин ог паныдасьлөй ми.

Өддзөм кадсө мөдарө он бергөд,  
Сылысь помтөм саридзсө он вен.  
Но ме чайта: батыө пыр на мекөд,  
Эска, сийө отсалас на мен.

## АР

Шоныд лунө утка-дзодзөг лэбө...  
Төвсө нөрыс бордъяс улас дзебө.  
Лымчир чужис! Ичөтик на вын...  
Ыркыдыслы сөмын вежон джын.

Лымйыс сыліс, быттьö эз и вöвлы.  
Бурөн арыд оз на сетчы төвлы!  
Нюжöдыштны көсйö ассьыс нэм:  
Бурсö, лёксö - ставсö дзик, мый эм.

## БАБА ГОЖÖМ

Ак! Сэтшöм долыд ывла вылас!  
Кор оз на зэрлась, лым оз усь,  
Кор лэбач гожся моз на сьылö,  
Кор вöрын сяргысьöма тусь.

Тэд, гожся-арся кадöй, чолöм!  
Тэ, баба гожöм, мелі, рам...  
Тэ меным медся ёна колан,  
Тэ шонтан менö, быттьö мам.

## ЭЖВА

Медся сöстöм ваыс кутшöм юлөн?  
Кутшöм юлөн помтöм эбöс-вын?  
Кöні олö югыд веркöс улын  
Кельчи-ёкыш, ком да ляпа-сын?

Тайö Эжва! Помтöм-дортöм Эжва!  
Паськыд ота чужанінлөн сөн.  
Тайö юыс меным медся вежа,  
Сійö ыджыд козин Енмыслөн.

## ЮРИНДАЛЫСЬ

Олём енбиён ловъя .....	3
<b>Татьяна Бугримова</b>	
Кодзула рытö.....	7
Эжва.....	8
Мичлун.....	8
<b>Яна Васильченкова</b>	
Лымкөд аддзысьом .....	9
<b>Анастасия Дёмина</b>	
Муса места.....	11
Кьдз.....	11
<b>Анастасия Ефремова</b>	
Ар.....	13
Менам сикт .....	13
Юсьяс.....	14
<b>Алёна Кузнецова</b>	
Төвся лун.....	15
<b>Ксения Кузнецова</b>	
Дзоридз да тшак.....	16
<b>Юлия Липина</b>	
Ноп тыр радлун.....	17
<b>Светлана Логинова</b>	
Миян сад.....	19
Ар.....	20
<b>Евгения Лютоева</b>	
Муса вөр-ва.....	21
Челядьдырся.....	21

<b>Ксения Мартюшова</b>	
Кыдз пу.....	22
Аддзысьлытөдз.....	23
<b>Алёна Мишарина</b>	
Висьтасьём.....	24
<b>Елена Морохина</b>	
Чужанін.....	25
Ичөт вок.....	26
<b>Наталья Напалкова</b>	
Вотім...пон тшак.....	27
<b>Мария Николаева</b>	
Шуд.....	28
<b>Анастасия Ногиева</b>	
Вөр.....	30
Нөдкывъяс.....	30
<b>Николай Орехов</b>	
Вөвъяс.....	32
Ыджыд мам.....	33
Нывъяс.....	33
Козин.....	34
Менам муслун.....	34
<b>Анна Пашнина</b>	
Во.....	36
“Быдөнлөн эм ыджыд мич”.....	36
Кыдз пу.....	37
Вөт.....	37
<b>Владислава Пашнина</b>	
Стёпа.....	38
<b>Анна Тарабукина</b>	

Зэр бöрын.....	41
“Тэ волы Эжва пöлөнaс”.....	41
<b>Мария Тимушева</b>	
“Тэ мекöд тöдса вель нин дыр”.....	42
“Ме медся воддза воськовъяс...”.....	42
“Ме ог на тöд...”.....	42
<b>Артур Уляшëв</b>	
Тöлын.....	43
Олöм.....	43
Юсьяс.....	44
Арся.....	44
<b>Надежда Худякова</b>	
“Тайö гажа эрдыс...”.....	45
Отсöг.....	45
<b>Мария Шомысова</b>	
Батьлы.....	47
Ар.....	47
Баба гожöм.....	48
Эжва.....	48

*Литературно-художественное издание*

## **КОЛОКОЛЬЧИК**

**Стихотворения, рассказы**

На коми языке

Составитель и редактор

**Василий Григорьевич Лодыгин**

Подписано в печать 17.10.2007 г. Формат 70х90 1/32

Объём            усл. п.л.+вкл. Тираж 600 экз.

Отпечатано в Мурашинском филиале ОАО

“Кировская областная типография”.

Заказ № 4599.

Мурашинский филиал ОАО

“Кировская областная типография”

613710. Мураши, ул.Розы Люксембург, 4.



